


Bibel tu angka dakdanak patomutomuhon



Banua Ginjang (Surgo), Huta Nauli ni Debata



Sinurathon ni: Edward Hughes
Illustrasi sian: Lazarus
Sinadur ni: Sarah S.
Nihatabatakxon ni: Marihot Siahaan
Hinaruarhon ni: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2011 Bible for Children, Inc.

Ijin: Manang ise pe, boi do mamotokopi manang pagandahon cerita on,
asal ma unang digadis.

Di tingki di tano on dope Jesus nunga
dipaboa tu angka siseanNa taringot
tu Banua Ginjang. Didok Ibana ma
i "Bagas ni AmangKu", jala didok
adong godang inganan disi.
Sada inganan na balga,
huta na uli. Umbalga
jala ummuli do Banua
Ginjang sian huta
di tano on.




Didok Jesus ma, "Na laho ma Ahu paradehon inganan di hamu. Jala molo laho ahu jala huparade inganan di hamu, ro do Ahu muse jala jaloonku ma hamu tu diringku."




3

Laho ma Jesus tu Banua Ginjang, dung hehe Ibana sian hamatean. Di tingki pungu angka siseanNa i, tarhinsat ma Jesus, jala diboan ombun ma Ibana onding sian mata nasida.



4


Dung i, nunga diingot halak Kristen janji ni Jesus, na ro do Ibana muse mangalap nasida. Didok Jesus, tompu do Ibana ro muse, di tingki so panagaman. Alai boha do taringot tu halak Kristen naung monding andorang so ro dope Ibana? Bibel mandok, laos rap dohot Jesus nama nasida laho. Ndang ro di bagasan



daging lapatanna ro raphon Tuhan i.


5

Pangungkapon, i ma buku na parpudi Bibel, pabotohon tu hita hinauli ni Banua Ginjang. Apala na andul ummuli i, Banua Ginjang do huta ni Debata. Adong do nian Debata di sude inganan, alai ango habangsaNa I ma di Banua Ginjang.




6

Surusuruan dohot parangan parbanua ginjang mamuji Debata di Banua Ginjang. Songon i ma dibahen angka bangso ni Debata angka naung mate jala naung laho tu Banua Ginjang. Nasida mangendehon angka ende pujipujian tu Debata.



7


On ma hata ni sada ende na niendehon nasida: AI NAUNG TARBUNU DO HO JALA MARHITE MUDARMU DITOBUS HO DO TU DEBATA JOLMA SIAN SALUHUT MARGA, HATA, HOUM DOHOT BANGSO. JALA DIJADIHON HO DO NASIDA GABE HARAJAON HAMULIAON NI DEBATA. (Wahyu 5:9-10)



8


Apala halaman na parpudi sian Bibel manggambarhon Banua Ginjang songon "Jerusalem Na Imbaru". Tung mansai balga, jala marparik na timbo do i di duru. Parikna i sian batu na uli, na marhillong. Angka intan dohot batu na arga mangalapis dasar ni parik i, rupana marhillong

jala uli. Ganup harbangan dibahen sian mutiara tunggal na balga.




9

Angka harbangan na sian mutiara i ndang hea martutup. Beta hita masuk tu bagasan jala taida humaliang...O uli ni! Ummuli muse dope surgo i di bagasan. Dibahen do huta i sian mas tulen, songon galas na tio. Gari dalam pe dibahen sian mas.




10

Sada sunge na uli jala na tio sian aek hangoluan mabaor sian habangsa ni Debata. Di bariba ni aek i adong do hau hangoluan, i ma na adong di mulana i di Porlak Eden. Mansai andul do hau i. Marparbuehon sampulu dua ragam na marasing, songon ragam ni ganup bulan. Jala bulung ni hau hangoluan i gabe pandaoni ni ganup bangso.



11

Ndang porlu be di Banua Ginjang mata ni ari manang bulan laho manondangi. Hamuliaon ni Debata do manggohisa dohot sinondang na tung mansai tiur. Ndang adong be borngin disi.



12


Gari angka binatang na di Banua Ginjang i nunga asing. Sasudena jinak jala maraleale. Sorigala dohot birubiru rap manggagat. Gari singa manganhon durame songon lembu. Ninna Tuhan i, "Ndang masiharatan jala ndang masibunuan be nasida di angka dolok habadiaonKu."



13


Dung taida humaliang, taida ma adong do na mago sian Banua Ginjang.

Ndang adong be hata muruk begeon. Ndang adong na marbada manang na holan manarihon dirina.



14

Ndang adong be kunci di angka pintu, ala ndang adong panangko di Banua Ginjang. Ndang adong pargabus, pamunu, partondung, manang angka parjahat na asing. Ndang adong be dosa di Surgo i.



15

Di Banua Ginjang, rap dohot Debata ndang adong be iluilu. Sipata, joujou do bangso ni Debata ala borat ni sitaonon di ngolu on. Di Banua Ginjang diapusi Debata do nasa ilu.




16

Ndang adong be nang hamatean di Surgo. Manongtong ma bangso ni Debata rap dohot Tuhan i. Ndang adong be sitaonon, ndang adong partangison, ndang na hansitan. Ndang parsahiton, ndang adong parsirangan, ndang adong pananomon. Sasude na di Surgo marlas roha na manongtong rap dohot Debata.



17

Apala na dumenggan sian sude, ia adong pe Surgo i ima asa boi masuk tusi angka baa dohot boruboru na porsea di Jesus Kristus, Sipalua, jala mangoloi Ibana gabe Tuhan nasida. Di Banua Ginjang adong do buku na ginoaran Buku Hangoluan ni Birubiru. Gok do disi goar ni jolma. Diboto ho do angka goar ni ise tarsurat disi? Sude jolma na porsea di Jesus. Adong do goarMu disi?



18

Hata na parpudi di Bibel taringot tu Surgo, ima gokhon na mansai uli. "Jadi didok Tondi dohot oroan i ma: Ro ma Ho! Laos dohonon ni na umbegesa: Ro ma ho! Sai ro ma na mauas; dijalo ma giot roha i ma aek hangoluan i, dalam basabasa!"



19

Banua Ginjang (Surgo), Huta Nauli ni Debata


Dapot do sada barita sian hata ni Debata,

ima Bibel,

Johannes 14, 2 Korint 5,
Pangungkapon 4, 21, 22

"Pangungkapon di angka hataMi do patiur
parnidaan." Psalmen 119:130

20



60



60

21

Dipabotohon Carita Bibel on tu hita taringot tu Debata na sun hinagogo, na manompa jala na manghasiholi ho asa mananda Ibana.

Diboto Debata do naung taulahon angka na roa, i ma dosa. Hamatean do uhum ni dosa, alai mansai holong do roha ni Debata di Ho, i do umbahen na ditongos AnakNa na sasada i, Jesus. Nunga mate tarsilang jala hona uhum Ibana ala ni dosam. Dung i mulak mangolu ma Ibana, jala mulak muse tu Banua Ginjang! Molo porsea ho di Jesus jala dipangido roham asa disesa dosam, sai na patupaonNa do il! Ro do Ibana jala mian di bagasan ho saonari, dung i mangolu ma ho rap dohot Ibana ro di salelengna.

Molo porsea do ho di hasintongan on, dok ma songon on tu Debata:
O Jesus, porsea do ahu na Debata do Ho, jala naung gabe jolma.
Naung mate do Ho ala ni dosangku, alai nuaeng mulak mangolu do Ho.
Ro ma Ho tu ngolungku jala sesa ma dosangku, asa dapot ahu ngolu na imbaru, jala molo ro tingkina, gabe rap ahu dohot Ho ro di salelengna.
Urupi ma ahu mangoloi Ho jala mangolu di Ho songon anakhonMu.
Amen.

Jaha ma Bibel i jala manghatai ma ho dohot Debata ganup ari!
Johannes 3:16

22